



14-06-2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqqutit:

1. Qeqertat nunaqarfittut ammaqpinneqassappat ataasiarluni aningaasartuutit qanoq amerlatigisut atorneqassappat?

2. Tamatuma kingorna ukiumut qanoq akeqassava Qeqertat nunaqarfittut ingerlanneqarnissaa?

3. Qaleralinniarnep saniatigut Qeqertani inuussutissarsiutit allat suut periarfissaappat? Taamaattoqarsimappat suut aamma inuutissarsiutitigut periarfissat qanoq isertitsissutaasinnaanerat naatsorsuutigineqarpa?

4. Qeqertani qalerallit tonsit qassit ukiumut aalisarnqarsinnaappat aamma tassani aalisarnermi sinneqartoorutit qanormita amerlatigisut pilersinneqarsinnaasutut naatsorsuutigineqarpat?

5. Naalakkersuisut nalilernerlugu Qeqertat nunaqarfittut ammaqpinneqarnera inuiaqatigiit aningaasarsiornerat eqqarsaatigalugu pitsaasuussasoq?

6. Suliamut tunngatillugu soqutiginarsinnaasunik allanik Naalakkersuisut nalunaarutissaqarnerlutik?

(Inatsisartunut ilaasortaq Randi Vestergaard Evaldsen, Demokraatit)

Begrundelse

1988-mi taamani Qaanaaq Kommuneusoq aalajangerpoq Qeqertat matuneqassasoq. Najukkami taamani aalajangerneq ataqqiniarnagu Naalakkersuisut aalajangernikuupput taamaattumik Qeqertat ammaqpinneqartussanngorpoq nunaqarfittut nunaqarfittut allatulli atortulersorlugu.

2018-mut Aningaasanut Inatsisip akuerineqarneranut atatillugu 18,4 millioner koruunit Nukissiorfinnut aningaasaliissutigineqarput pilersuinerup annertusarnissaanut aamma Qeqertani. Tamatuma saniatigut 2020-minngaanniit konto pingaarnermut 64.12.02-mut aningaasaliissutaasartut 1,8 millioner koruuninik qaffanneqassapput Nukiffiorfiit naatsorsuutigimmassuk Qeqertat pilersorneqarnerannut atatillugu ingerlatsinermut amingartoorutit taama amerlatigiumaartut.

Kisianni aamma soorunami pisortat allanut aningaasartuuteqartussaapput soorlu oqarasuaateqarnermut, interneteqarnermut, niuertarfeqarnermut il.il.

Illuatungaanili ilimanarpoq qaleralippassuaqartoq, taamaasillunilu inuutissarsiutitigut periarfissat aamma pitsaasuusut.



DEMOKRAATIT
DEMOKRATERNE

Demokraatini tapersorsorparput inuit sumiluunniit inuuffigiumasaminni inuusinnaassasut najugaqarlutillu najugaqarfigerusutaminni. Aamma annertuumik tapersorsorparput sumiluunniit aningaasaliisinnaasariaqartugut inuutissarsiornikkut periarfissagissaartuni taamaasillunilu siuariartornissamut pitsaasunik periarfissaqartuni.

Tamanna tunngavigalugu apeqqutikka apeqqutigaakka paasilluarumallugu, inuutissarsiorneq siuartornissarlu eqqarsaatigalugit pitsaasuunersoq 1988-mi najukkami aalajangiineq allangortinneqassappat.

Apeqqutima akineqarnissaat kissaatigaara ullut sulliviit naliginnaasut qulit qaangiutsinnagit